

Cruz Cora a habri oficina na San Nicolas



ORANJESTAD (AAN): Diadomingo a tuma lugar apertura di Cruz Cora San Nicolas, cu ta situa na Lagoweg 36.

E director den un entrevista cu DIARIO a splica cu e ta hopi contento cu apertura di e di dos oficina riba e isla.

"Nos ta habri pa tur hende cu tin mester di ayudo".

"Nos ta habri tur Diamars, Dianzon y Diahuebs di mainta 8'or te cu atardi

4'or".

Esaki segun e director, kende a indica cu riba tur prome Diadomingo di luna Cruz Cora lo percura pa pan y sopi pa hendenan cu no tin nada di come.

Ex Gobernador Fredis Refunjol hunto cu boluntarionan di Cruz Cora a haci e apertura oficial.

Refunjol despues di haci e apertura a bisa e publico presente cu e ta sumamente honra di por tabata tin e

honor di haci esaki.

"Rode Kruis semper ta tur caminda, y cu e paso aki nos ta mas cerca di nos clientenan na San Nicolas".

"Tin e necesidad tur caminda y e mensahe cu nos kier duna awe ta cu e portanan ta hanchu habri y si boso tin cualkier problema cu boso tin mester di cualkier informacion, sinti boso liber pa pasa cerca Cruz Cora", segun Refunjol.